



Hans Enoksen
Inatsisartunut ilaasortaq, Naleraq

20-05-2025
Sags nr. 2025-10627
Akt. id. 25378830

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37-imut akissut tassani nunatsinni angerlarsimaffeqanngitsut qassiunersut, angutit arnallu qassiuneri.

Asasara Hans Enoksen.

Inatsisartut suloriusaat malillugu apeqquteqaatinnut qujanaq. Apeqqutit ataani akissavakka.

1. Nunatsinni angerlarsimaffeqanngitsut qanoq amerlatigippat, arnat angutillu immikkoortillugit?

Akissut:

2022-imi angerlarsimaffeqanngitsunik kisitsineq ingerlanneqarpoq. Kisitsisit taakku nutaanersaapput. Ilimmarfimmi ilisimatuut misissuisartut kisitsineq ingerlappaat. Ilisimatuut isumaqarput kisitsisit sulii amerlanerussasut, tassa ersinngitsumik angerlarsimaffeqanngitsunik kisitsinissaq ajornakusoormat. Kommuunit angerlarsimaffeqanngitsut pillugit sulii pisariaqartunik nalunaarsuuteqanngillat, taamaattumik angerlarsimaffeqanngitsut meerartallit kisitsisaat eqqortut nalunaarutigineqarsinnaanngillat. 2022-imi angerlarsimaffeqanngitsut katillugit 491-iupput tassani angutit 356 aamma arnat 135-it

2. Kommuni kujallermi angerlarsimaffeqanngitsut qanoq amerlatigippat qassiuppat? Arnat angutillu immikkoortillugit?

a. Aammalu angerlarsimaffeqanngitsut meerartallit qassiuppat? Nanortalimmi, Narsami, Qaqortumi nunaqarfiillu tamaasa ilanngullugit

Akissut:

2022-imi Kommuuni Kujallermi angerlarsimaffeqanngitsut 106-iupput taakkunani angutit 77 aamma arnat 29.

3. Kommuneqarfik Sermersuumi angerlarsimaffeqanngitsut qanoq qassiuppat Arnat angutillu immikkoortillugit?

a) Aammalu angerlarsimaffeqanngitsut meerartallit qassiuppat? Paamiuni, Tasilaami, ittoqqoortoormiit nunaqarfiillu tamaasa ilanngullugit.

Akissut:

2022-imi Kommuneqarfik Sermersuumi angerlarsimaffeqanngitsut 258-iupput. 185 angutit aamma arnat 73.

4. Qeqqata Kommuniani angerlarsimaffeqanngitsut qassiuppat arnat angutillu



immikkoortillugit?

- a) Taamatullu meerartallit angerlarsimaffeqanngitsut qassiuppat? Sisimiuni maniitsumi aammalu nunaqarfiit eqqaamiui ilanngullugit.

Akissut:

2022-imi Qeqqata Kommuuniani angerlarsimaffeqanngitsut 24-iupput. Angutit 20 aamma arnat 4.

5. Avannaata kommuniani angerlarsimaffeqanngitsut qassiuppat arnat angutillu immikkoortillugit?

- a) taamatullu meerartallit angerlarsimaffeqanngitsut qassiuppat? Qaanaa, Upernavik, Ummannaq, Ilulissat nunaqarfiillu tamaasa ilanngullugit.

Akissut:

2022-imi Avannaata Kommuuniani angerlarsimaffeqanngitsut 87-iupput. Angutit 64 aamma arnat 23.

6. Kommuneqarfik Qeqertalimmi angerlarsimaffeqanngitsut qassiuppat arnat angutillu immikkoortillugit?

- a) taamatullu meerartallit angerlarsimaffeqanngitsut qassiuppat? Qeqertarsuarmi, Aasianni, Qasigiannuani, Kangaatsiami nunaqarfiillu tamaasa ilanngullugit.

Akissut:

2022-imi Kommuni Qeqertalimmi angerlarsimaffeqanngitsut 16-iupput. Angutit 10 aamma arnat 6.

7. Nunatsinni issittumiippugut angerlarsimaffeqanngitsunut inissianik sanaartornissamut kommunini tamani sanaartornissamut Naalakkersuisut qanoq pilersaaruteqarpas?

- a) Ersarissumik paaserusuppakka inuppasuit angerlarsimaffeqanngitsut qanoq inissaqarnissaat qulakkeerniarneqarpa?

Akissut:

Kalaallit Nunaanni angerlarsimaffeqannginneq akiorniarlugu kommuunit suliniuteqarnissaanut Naalakkersuisut tapersiinnissaminut periarfissaqarput.

Kingullertut Naalakkersuisut ineqarneq pillugu suliniummik pilersitsipput tassani Angerlarsimaffeqannginneq pillugu periusissiami angerlarsimaffeqanngitsut 15-it ukioq kingulleq februaarimi sumiiffissaqartilerlugit. Misiliutitut suliniut Kommuneqarfik Sermersooq aamma Naalakkersuisut suleqatigiillutik Kalaallit Nunaanni Housing First siullermeerutitut suliaaraat.

Inissianik attartorneq pillugu peqqussummi § 22 malillugu kommuunit isumaginninnermut siunertaqartumik inissianik tunniussisinnaapput, aamma kommuunit ineqarnermut tassungalu attuumassuteqartut aningaasartuutit akilertussaavaat.

Inussiarnersumik inuulluaqqusillunga

Bentiaaraq Ottosen

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Nunatsinni angerlarsimaffeqanngitsut qanoq amerlatigippat? Arnat angutillu immikkoortillugit.
2. Kommuni kujallermi angerlarsimaffeqanngitsut qanoq amerlatigippat qassiuppat? Arnat angutillu immikkoortillugit?
 - a. Aammalu angerlarsimaffeqanngitsut meerartallit qassiuppat? Nanortalimmi, Narsami, Qaqortumi nunaqarfiillu tamaasa ilanngullugit.
3. Kommuneqarfik Sermersuumi angerlarsimaffeqanngitsut qanoq qassiuppat Arnat angutillu immikkoortillugit?
 - a. Aammalu angerlarsimaffeqanngitsut meerartallit qassiuppat? Paamiuni, Tasilaami, ittoqqoortoormiit nunaqarfiillu tamaasa ilanngullugit.
4. Qeqqata Kommuniani angerlarsimaffeqanngitsut qassiuppat arnat angutillu immikkoortillugit?
 - a. Taamatullu meerartallit angerlarsimaffeqanngitsut qassiuppat? Sisimiuni maniitsumi aammalu nunaqarfiit eqqaamiui ilanngullugit.
5. Avannaata kommuniani angerlarsimaffeqanngitsut qassiuppat arnat angutillu immikkoortillugit?
 - a. taamatullu meerartallit angerlarsimaffeqanngitsut qassiuppat? Qaanaa, Upernavik, Uummannaq, Ilulissat nunaqarfiillu tamaasa ilanngullugit.
6. Kommuneqarfik Qeqertalimmi angerlarsimaffeqanngitsut qassiuppat arnat angutillu immikkoortillugit?
 - a. taamatullu meerartallit angerlarsimaffeqanngitsut qassiuppat? Qeqertarsuarmi, Aasianni, Qasigiannguani, Kangaatsiami nunaqarfiillu tamaasa ilanngullugit.
7. Nunatsinni issittumiippugut angerlarsimaffeqanngitsunut inissianik sanaartornissamut kommunini tamani sanaartornissamut Naalakkersuisut qanoq pilersaaruteqarpat?



a. Ersarissumik paaserusuppakka inuppassuit angerlarsimaffeqanngitsut qanoq inissaqarnissaat qulakkeerniarneqarpa?

(Inatsisartunut ilaasortaq Hans Enoksen, Naleraq)

Tunngavilersuutit:

Ukiuni makkunani ajuusaarnarluinnartumik illoqarfinni sinerissami angerlarsimaffeqanngitsut malunnartumik takussaajartuinnarput, allaat meerartallit utoqqartaqalerlutillu. Utoqqanngorsimasut angerlarsimaffeqanngitsunngorsimasut eqqarsaatigalugit aamma assut ilungersunartumik tigusariaqalerput tassami issittumiippugut silaannarmi inuuffigineqarsinnaanngitsumi. Ajornaqaaq taamatut ingerlaaseqariartuinnarnerput illersorneqarsinnaanngilaq, inuppassuit angerlarsimaffeqanngitsut allaat meerartallit naammattoorneqartalerlutik, ilaqtariit ineqarfimminniit anisitaasartut eqqarsaatigalugit. Ajornaqaaq isiginnaaginnarsinnaajunnaarpagut, issittumi nunaqaratta inuuffigineqarsinnaanngitsumi inuit tamarmik angerlarsimaffeqarnissaat inummut kimulluunniit pisinnaatitaaffiusoq aqutissiuutariaqalerpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.